

فی ۱۴ شوال سنہ ۳۲۶ و فی ۲۷ تشرین اول سنہ ۳۲۴

جمعیت علمیہ اسلامیہ ناک ناشر افکار پور

مدیر مسئول

محمد فطین

سر محرر

فانچ مجیز درس عام لرنڈن

مصطفیٰ صبری

صاحب امتیاز

فانچ مجیز درس عام لرنڈن

شہری احمد افندی

مندرجات

لیال اسبقہ طائف	دین اسلامہ ہدف مناقشہ اولان مسائل . . . مصطفیٰ صبری
بابل، شہزادہ خلیل ادیب	سیاست مدینہ کوچوگ جدی
— — — — —	تأسف سید
شریف عبدالہ یاشا و شریف حسین یاشا	قطرات حقیقت احمد قداد
برندای احترام محمد صدق	ہمت بعد الموت حسین حازم
امتنہ داخلہ شرکتی	ادبیات
زبدہ سیاسیات	امام اعظم عارف

نسخہ سی ۵۰ پارہ در

ممالک اجنبیہ ایچون	ابونہ اجرتی	استانبول ایچون
۱۸ فرانک	ولایات ایچون	برسنلک ۷۵ غروش
» ۹۰۰	۸۵ غروش	الق آبلنی ۴۰ »
	» ۴۰	

درج ایڈلیان اوراق اعادہ اولنماز

قارئین مرزہ :

اکثر مقالانہ آیات کریمہ واحادیث نبویہ درج ایڈلش بولندہ فی نظر اعتبارہ آلنہرق رعایتسزلکدہ بولنلاماسی
رجا اولنور .

قادر دینک شو ظلم و استبدادی بر دها عودت ایتمه مک
محکوم قبل. دین و مانی محافظه اید، چک خاوص نیت اربابی
عنایت صمدانیه که قرین بیور، دیه ایلدیکي دعوات مؤثره
ایله بر ویا بر قاج کیشنک جوامع شریفه خارجنده اید، چکی
دعا من حیث القبول مساوی اوله ماز.

بازید درس نامندن

سید

قطرات حقیقت

دریای لاهوتک امواج قدرتی ایچنده ساحل فطرت
پا ناشو بده میدان ناسوتی مکان ظهور ایدن انسان،
ساحه امکانده بیوک بر قهرمان بلایه قرین اولدی.

انلیم جبروتک اهل ملکوتی ارا سنده خلعت قدسی
اکتسا ایدرک سوکره زنکدار ایدن حضرت ابوالبشر،
نه لره اوغرامادی. مسجود ملک اولق رنکیله بارلایان
کسوه دلاراسی، قربت شجر یوزندن روقی غائب ایتدی.
تبدیل جامه حکمتله عربان اولدی، پرلره ایندی، دنار توپه
ایله تزیین ایدرک زمین وزمانده یتشدر دیکي نشر ایتدیکي
اولاد و انسانی خیمه حیات بر اقوب دیار ابدی یه کیتدی.
سرای بقایی ترجیح ایتدی. عربان جسده صحن
وجوده کلن اولادینی، ستر ایدمک، لباس تقوی،
زمین ابتلادن آلوب قالدیر اچقوده عنقای دیانتدر. انسان
شو معرکه دن قورتار ارق، فوز اعتلا به یتشدر بهر چک
سیرغ دیانت هر کیمک باشه قونسه اونی سمای رفعت
ایصال ایدر.

نزد عقلا ده آتیان ادله دن آزاده در که حسی، معنوی
هر درلو فوز و سلامت بر دین ایله متدین اولمقده در.
دین، عالم بشریتک روحی، جهان مدینتک ضیا سیدر.
دین افکار و ایمان دیرر، ابواب فیوضات آچار، حامی
مدینت، ناشر عز و دولت سدر. بتون ملل و اقوام بر
دین ایله (تدین) چالیشیر دینتک نشر واعلانیه
اوغرا شیر. بزه اسلام، ظل امانده یشادیمز دین

مینک علو قدرتی بیایر، اکلا دیمز بده بیلدرمک
اوغورنده چالیشیر، عرصه تکلفی اشغال ایدن هر
عصر وزمانده کی علماء، ناموس رقبه سنه آلدینی علوم
نافه نک نشریله مواند تبلیغی عامیه کشاد ایدر موروث
انیا اولان تبلیغ احکام باعث انتظام عالم اولش، موجب
سعادت ملل بولومتشدر.

فقرای فضائل مجلسنک صف نعالی اشغال ایدرک
جوهر معالی قلاده سنی چیقارم شده بو ریای سواده
قلمش اولان انسانله کیملر آجهاز. جهان دیانتک،
میدان فیضی طورورکن مزانی اقدام اوچوروملرنده
دولاشان عقول بسطه اربانتک دوجار اولدینی فلاکت
شدله وخیمدر.

امراض قلبک صوات قاجمه سنه زبون اولان ارواح
بشر ند اولره، مؤثر دوالره محتاجدر. غدای روح
اولان احکام دیانت پیدرپی و بریلر، شکوفه حقایق
بیدر بیلر سه تدریجاً کسب صحت ایدر قوتلنیده، اوج
عرفانه کیدر.

کیفیت مجهوله استارینه بورین ارواح بشر ماهیت
مخلوقه سنی انظار عالمه کوسترمک مقصدیله شکل مخصوصی
کینمش، کویا اونیکه عربان اولان جسم لطیفی اورتمش
ایسه ده لباس تقوایی لابس اولمقجه ستر عیوب ایده من
«لباس التقوی ذلک خیر» دین روح بشرک تربین
ذاتنه ردا، ینه اوله جه روان انسانه غدار. اغدییه
دیانتله بسلنمیان روحک، آجلق داعیه سیله ارتکاب
سرقت شامتته اوغرایه جنی طبعیدر. اوده، احکام
منیره هدایتدن بهره یاب اوله میوب عقائد فاسده نی تناول
اتمسیدر. ایشته بویه حراملری یمش قودورمش
شکه پروان ارواح داه الکلاب خسته لغنه دوشه رک
کبرر، مزبیه سفالته چکیلر ده ارواح خبیثه یه التحاق
ایلر.

اصلی طاهر اشیایه انجاس عارضه نک ازاله سی،
صابون ایله اماتنه موقوف اولدینی کبی، روح مذکورک

تطهیری ده نارحیمه محتاجدر. مواد مستفذه منی تشریب
ایدن دتی. نیران تطهیر کیرمدنجه تمیزلنز. اصلی
طوبراق اولان انسانلرکده اوساخ معاصی ایله کیرلرین
ارواحی جهنمه تطهیر ایدیلر!

ناسوتی لبالر کیدیرمک رندانه اولرله یوروندیکمز
اجسادی باطننا تخرب ایتمز. اطعمه نفیسه ایله تسمین
ایتدیکمز اجسامک اوله نجیف روحلری وارکه
غدا ی معالیدن برشی طامامش حقایق اشیا به وقوف
ایله مؤثر حقیقی حضرت ذوالجلالک آیت قدرتی
اوقومق وظیفه عبودیت ایکن غفلتله قیامان کوزلر درین
اوقولره یاتمش. قولقلرده قیامشدر. شخص انسانیک
دامن حیثیتی ثلوث ایدن شو غفلت دوچار اولاجنی
سفالت براعت استهلالیدر.

مرآت عقبا صابیلان حرکات دنیا به باقوده آکلا-
یانلر. هنکام حیاتک شو جولانی نتایجله تعیین ایدرلر.
مخزنه هوسلری رقصلرله طولدران ارباب ملاعب. یاریم
دقیقه صوکره نه اولاجنی ادراک ایدمز کونلر کیدر.
سنه لر کچرده نعلاس غفلندن بصیرتی آجیلاماز. تنعم
ایدان ایله تنغلیف نیسابه مفتون اولوب طورورکن عین
حیات اولان روح چیر چپلاق قالمش. دریای ذلته
طاماشدر. بدنلر بسله ملک. تسمین ایتکدن زیاده
روحلرمزک علوی صفتلرله متصف اولماسنه جالشلم.
کتاب عظمتک سرلوحه سی اولان آیت قدرتی آکلابلم.
آشنای حکمت اولالم. انظر واماذا فی السموات والارض.
« قانع ایله بازیده واعظ »
ارزنجان مدورلرندن رشیده عسکریه
املا معلی دیوریکلی
احمد مقداد

— بحث بعدالموت —

(درنجی نمخه دن مابعد)

شمدی علمای فخرام حضراتنیک بحث و جزائک

لزوم وقوعی حقننده سرد ایتدکلی اطمئنان بخش
قلوب دلایل عنلیه مقنعلرینی دیکله یلم باقم :

جناب حکیم متعالت عدالت. حکمت. رأفت کی
بتون صفات کایله ایله متصف اولدیننی اذعان وقبول
ایدن هر معتقد عنندنه تحقق اتمی لازم کلیرکه انسانلره
حسن وقبیحی. خیر وشری تمیز ایتدیره جک عقول
وادراکات احسان ایدن خلایق کریم. آنلری سوء
اعتقاد. جهل. کذب. ایذاء خلق کی هر درلو قبایح
وذنائندن منع و حیات دنیویه لرینک حسن انتظامی
تأمین ایده جک اولان بتون اعمال خیره و اخلاق
فاضله ایله متصف اوللریزه ترغیب اتمی عدالت و حکمتی
مقتضاسندن اولمیدر.

حالبوکه بوایک لازمه عدل و حکمت. یعنی معروفه
ترغیب. منکردن ترهیب کندی کندیته حاصل اوله ماز.
بلکه بونی تأمین ایچون عمل خیری ثواب. عمل شری عقابه
ربط ایلک لازمدر. اعمال اوزربنه ثواب و عقاب
ترتیبی ایسه بودار دنیاده حاصل دکادر. بنابرین تنعم
و تعذیب ایچون بردار اخرا به لزوم واردر.

عقول بشرده فطره مرکوز بولنان تحسین خیرات.
تقییح منکرات خصایق. ترغیب و ترهیب وظیفه سنی
ایضیه کفایت ایدمز. چونکه :

الغلم من شیم النفوس فان تجد

ذا عفة فلعلة لا یقلم

مدلولنجه نفس انسانی شیمه جلیله سی بولنان ظلمی.
بالکدر لذات جسمیه و شهوات حیوانیه سی. منه مکانه
بر صورتده. اجرایی. عقل ایسه مسالک سعادت
و صلاحه دلالتی التزام ایده جکندن بونلر شو جدالکاه
حیانه هر حاله یکدیگرکله معارضه ایده جکلر و بو
صورتده بر مرجع لازم کله جکدر. مرجع ایسه آننجق
خیر و شر اوزربنه وعد و وعید ترتیب ایتکله اولور.

§

تعاون که لازمه مدنیت و انسانیتدر. هر ملک قوام